

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

Kriegskunst zu Fuß

Wallhausen, Johann Jacob

[Frankfurt a.M.], 1631

Das Siebende Capitel. Lehret/wie man auff der Schiltwacht sich sol fertig machen vnd schiessen

[urn:nbn:de:bsz:31-163196](https://nbn-resolving.org/urn:nbn:de:bsz:31-163196)



Das Siebende Capitel.

Lehret/ wie man auff der Schiltwacht sich sol
fertig machen vnd schießen.

S du auff der Schiltwacht dich fertig machen solst/ vmb zu schießen auff einer Stell/ vnd nicht fort zugehen/ so verhalte dich also/ halte mit der lincken hand die Musquet wol fest/ vnd vornen wol hoch/ wie in der zweyten Postur gewiesen/ nemme die Luntten mit bogenweiß beygebrachtem Arm zwischen den Fingern heraus/ versuche sie/ vnd halte dich wie vor gewiesen im 5. Capitel/ So du mit der Luntten fertig/ decke die Pfann/ tritt zu rück mit dem lincken Fuß/ biß an den rechten/ darnach mit dem rechten Fuß ein Schritt zu rück/ blase die Luntten ab/ öffne die Pfann/

fasse die Musquet/ lege an/ gib Feuer mit der Postur/ wie gewiesen. Wann du geloset/ fasse deine Musquet/ stelle dich wider in die vorige Postur/ also daß du den rechten Fuß zum lincken erstlich bringest/ vnd als dann den lincken fortsetzest auff sein vorige Stelle/ als daß du mache dich widerumb fertig mit dem laden/ wie angezeigt/ vnd halte dich als auff einer Stell stehend mit gewiesener Zierlichkeit/ so du widerumb fertig/ lege dein Musquet widerumb in die Fürquet/ vnd halte dich in gewiesener Postur.

Du mußt gute Achtung darauff haben/ wie ich dir angezeigt/ daß du deine Übung in in dreyen Zeiten allezeit fertig thun mußt/ so wirstu auch gewahr werden/ was für schöne Correspondentzen vnd Accordantzen in diesem Exercitio sind/ dann es nicht allein sein gewisse Zeiten/ sondern auch seine zierlichkeit in der Glider Bewegung hat/ als erstlich/ ein Theil Zeit mit dem halben Leib/ daß links/ dann rechts vor/ vnd dann mit linckem Fuß vnd Arm vor/ dann mit rechtem Fuß vnd Arm vor/ so wol im widerstellen/ als im vmb schwingen des Leibs/ der Arm vnd Füße.

Ja auch ein Fuß/ ein Hand mit Zierlichkeit der andern begegnet/ vnd einander gleichsam empfangen/ vnd zu solcher Übung rechten Lust vnd Liebe präsentiren. Also daß der billich für ein groben vnverständigen Bawren Flegel vnd Esel zu achten/ so dieselbige Übung verachtet/ geschweige/ daß er ein Liebhaber guter Kriegsordnung seye. Doch dem jenigen/ so diese gewürzte Distlein nicht schmecken/ vnd sie tadelt/ dem gehört Hew vnd Stroh fürgelegt zu werden/ hette bald ein anders gesagt.

So du auff die Schiltwacht gestellet bist/ vnd nicht allzeit still stehen wilt/ so kanstu ein andere Weise auch gebrauchen/ Nemlich trage dein Musquet auff lincker schulter zierlichen/ wie gewiesen/ vnd mit rechter hand fasse die Fürquet mit längs auffgerektem Daum kurz vnter dem Beschlag die Fürquet fest haltend/ vnd also auff vnd nider marschiren gehend.

Mercke auch vor allen Dingen dieses/ wann du Feuer geben solst vnd dir die Musquet versaget/ daß du die Musquet vornen wol hoch haltest/ damit nicht (ob sich bey Vn- gefal das Feuer in der Musquet etwas verhalten/ hette) dir im auffnehmen die Musquet los gieng/ vnd also grosser Schaden einem oder dem andern dadurch könnte zugefüget werden.

S

Das